

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea
Obtinenda Requisitis ...

Leuren, Peter

Coloniæ Agrippinæ, 1704

162. An, à quo, & qualiter parochiales inter se uniri possint.

[urn:nbn:de:hbz:466:1-74477](#)

Cap. III. De Capellaniis,

ad fidei Catholicae unionem, praescribit spatio 3. annorum, nisi intra hunc terminum repetatur juxta cit. c. 1. de prescriptione. Barb. n. 3. porrò quot modis probentur hi fines, vide apud eundem Barb. fusè loc. cit. n. 31. & seq. vide etiam de hoc Card. Luc. de paroch. d. 32. n. 2.

Questio 162. An, à quo, & qualiter parochiales inter se uniri possint?

1. **R**espondeo ad primum, & secundum: possunt Episcopi tanquam Sedis Apostolicae legati, sine tamen praedictio obtainimenti (ita ut unio effectum non sortiatur ante eorum mortem, vel resignationem. Laym. ad c. 4. de etate & qual. prefic. n. 4. & Theologia moral. tr. 2. c. 9. n. 9.) quarumcunque Ecclesiarum parochialium & baptismalium, & aliorum beneficiorum curatorum inter se; vel non curatorum cum curatis facere uniones propter earum paupertatem, & in ceteris casibus a jure praemissis (super quibus declarationes aliquas refert Zerol. in praxi Episcopali p. 2. V. unio etiam dicta Ecclesia vel beneficia essent generali vel specialiter reservata, aut qualitercumque affecta; qua uniones etiam non possint revocari, nec quoquomodo infringi vigore cujuscunq; provisionis, etiam in causa resignationis, aut derogationis, aut suspensionis. Ita ferè ad verbum Trid. sess. 21. c. 5. porrò non comprehendit hoc decreto parochiales, qua sunt juris patronatū, habet declaratio S. Congreg. sup. cit. cap. Quod si tamen in casu denegati pro unione consensū patroni necessitatibus talium parochialium succurri non potest remediis positis c. 13. sess. 24. compelli possunt patroni illarum Ecclesiarum ad præstandam congruam sustentationem Rectoris, vel permittendam unionem, ut haber altera ejusdem S. Congreg. declaratio. vide Laym. loc. cit.

2. Respondeo ad tertium: ad validitatem unionis talis, dum ea sit per Ordinarium, requiri copulativè solennitatem & causam; siquidem tam superfluo vel unio non secūs ac dismembratio redolent speciem prohibita alienationis honorum ac juriū Ecclesiæ de Luc. de benef. d. 47. n. 6. & de paroch. d. 10. n. 5. item ad Trid. l. post citando, cum hac tamen differentiā solennitatis, quod in hujusmodi unionibus & dismembrationibus non requiratur beneplacitum Apostolicum, sicut illud requiritur in vera & formalī alienatione honorū Ecclesiæ; sed sufficiunt solennitates ad normam antiquioris juris Canonici, nempe consensus capituli, prioris Rectoris, populi aliquotumque interestatorum. C. de Luc. ad Trid. d. 8. n. 11. & 12. cùmque juxta generalem regulam alienationum causa consistat in necessitate, vel magnâ utilitate; in præiente quoque generalē regulam, qua sit causa sufficiens ad istiusmodi uniones, statui non posse; cum pendeat ex facti ac singulorum casuum circumstantiis, ait idem C. de Luc. loc. cit. n. 13. Porro dum unio sit per Papam, authoritas Apostolica supplet consensum patroni, aliisque solennitates, sine quibus Ordinarius, etiam accidente causâ, ad hujusmodi actus procedere nequit. Non tamen authoritas Apostolica supplet causam. C. de Luc. de benef. d. 47. n. 12. quod poltremum, credo, intelligit, dum Papa non procedit ex certa scientia; hanc enim scientiâ deficiente corruit unio ex mentis defectu. Lott. l. 1. q. 28. num. 162. De cetero namque dum ex certa scientiâ (nempe prejudicii, quod per hoc patrono vel collatori infertur) etiam absque

causa, & cum praedictio alterius id potest. Lott. vid. n. 160. citans Bald. l. 1. cons. 1. n. 2. Rotam decision. 506. p. 2.

Questio 163. An igitur absolute, & qualiter requiratur vocatio & consensus patrōni & Rectoris ad talem unionem Parochialium inter se?

1. **R**espondeo ad primum affirmativè: cùm enim per unionem Ecclesia minuatur quodammodo capite, ejus defensio in hoc casu competit patrono, cùmque per unionem perdatur patronatus, agitur de ejus praedictio. Lott. l. 1. c. 28. n. 167. citans Zabor. cons. 96. sub n. 3. videtur autem Lott. ibidem agere in genere de Ecclesiis & beneficiis quibuscumque juris Patronatū.

2. Respondeo ad alterum affirmativè juxta paulo antè dicta ex C. de Luc, dum autem Lott. loc. cit. n. 171. & seq. ait: omnes consentire, vocationem & consensum Rectoris non esse necessarium, cùm nullum ei fiat praedictum ex eo, quod de ratione unionis sit, quod suspendatur ejus executio, donec qui beneficium unitum obtinet, cedar vel decedat juxta c. consultationibus. de donat. Calder. de rebus Ecc. non alien. cons. ult. n. 2. Vera est ejus doctrina, modò juxta morem aliorum beneficiorum dicta unio parochialium non consequatur suum effectum ante mortem Rectoris.

Questio 164. An & à quo Ecclesia parochialis alteri non parochiali, puta Monasterio, Abbatie, Collegiate, vel etiam dignitati, Canonicatui, &c. uniri possit?

1. **R**espondeo ad primum affirmativè: sic enim docet praxis & experientia plures parochiales uniri dictis Ecclesiis non parochialibus, & beneficiis non curatis: quod si factum post Trid. referendum est ad authoritatem Apostolicam. de Luc. ad Trid. d. 8. n. 19. unde

2. Respondeo ad secundum: tametsi olim cum Capitulo consensu posset Episcopus loco alicui alteri pio seu religioso donare jura & redditus Ecclesiarum parochialium cum Patroni consensu juxta c. pastoralis. de donat. nunc autem per Trid. sess. 24. c. 13. prohibitum esse Episcopis, parochialium Monasterio, Abbatie, dignitati, Canonicatui, vel alteri beneficio simplici unire. Laym. ad c. 2. de suppl. negl. pral. n. 3.

Questio 165. Quot modis Ecclesia parochialis alteri non parochiali conjungi, & uniri dici possit?

Respondeo: potissimum tribus: vel enim ita conjungitur alteri, ut ei subiecta sit, & illa altera sit principalis, & tunc sequitur naturam principalis; quippe quod accidit ad alterum, sequitur naturam illius ad quod accidit, si illud sit principale. vel ita conjungitur alteri, ut hanc sit parochialis subiecta tanquam principalis & superiori, & jam hanc altera sequitur conditionem parochialis. v. g. ut qui ad eam promovetur, debet fieri intra annum sacerdos: vel denique Parochialis conjungitur alteri non parochiali, ita ut ei subiecta non sit, sed æquè principalis ac illa, ita ferè Azor. p. 2. l. 6. q. 8. Verum non omnes hi modi conjunctionis veram unionem sonant seu continent.

Questio